



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, MEI 20, 1920.

Panuitanga Whenua Maori hei Whenua Karauna i raro i Tekiona 14 o te Ture Whakatikatika Ture Whenua Maori, 1914.

(L.S.) LIVERPOOL, Kawana-Tianara.
HE PANUITANGA.

NOTEMEA kua whakaritea, *inter alia*, e tekiona tekau ma wha o te Ture Whakatikatika Ture Whenua Maori, 1914, ki te marama kua ata oti te hoko o tetahi whenua Maori e te Karauna i raro i te mana o te Ture Whenua Maori, 1909, ka ahei te Kawana-Tianara ki te whakaputa i tetahi Panuitanga hei whakaatu kua riro taua whenua hei whenua Karauna.

A notemea kua ata oti te hoko ki te Karauna i raro i te mana o te Ture Whenua Maori, 1909, o te whenua Maori e whakaaturia nei e te Kupu Apiti ki tenei.

Na reira, i runga i te whakahaerenga me te whakatutukitanga i nga kaha me nga mana kua whakawhiwhia ki a au e tekiona tekau ma wha o te Ture Whakatikatika Ture Whenua Maori, 1914, ko ahau, ko Arthur William de Brito Savile, Earl o Liverpool, te Kawana-Tianara o te Tominiona o Niu Tireni, tenei ka panui ko te whenua e whakaaturia nei e te Kupu Apiti ki tenei kua riro hei whenua Karauna.

KUPU APITI.

NGATIRAHIRI 2 me 11 Poraka, 1892 Ake Rihi, he Hoko Nama 1, ko Tekiona 95, Poraka V, Tekiona 96, Poraka V, Tekiona 2, Poraka VI: Tona nui e 291 nga eka 1 ruuri e 6 nga paati; Takiwa Ruuri o Waitara.

He mea tuku i raro i te ringa o His Excellency te Right Honourable Arthur William de Brito Savile, Earl o Liverpool, Mema o te Tino Honore Piriwi Kaunihera o te Kingi, Knight Grand Cross o te Most Distinguished Order o Saint Michael me Saint George, Knight Grand Cross o te Most Excellent Order o te British Empire, Mema o te Royal Victorian Order, Knight of Justice o te Order o Saint John o Hiruharama, Kawana-Tianara, Tino Rangatira o te Tominiona o te Kingi i Niu Tireni me nga Motu kei raro i te mana o taua Tominiona; he mea whakaputa i raro i te Hiiri o taua Tominiona, i te Whare o te Kawana i Poneke, i tenei te tekau ma toru o nga ra o Mei, te tau o to tatou Ariki kotahi mano e iwa rau e rua tekau.

W. H. HERRIES,
Minita mo nga Mea Maori.

E TE ATUA TOHUNGIA TE KINGI!

Kahiti—A

Panuitanga kua pa nga Tikanga o Tekiona 109 o te Ture Whakatikatika Ture Whenua Maori, 1913, ki etahi Poraka Whenua Maori.

LIVERPOOL, Kawana-Tianara.
OTA KAUNIHERA.

I te Whare o te Kawana i Poneke, i tenei te tekau ma wha o nga ra o Mei, 1920.

Tu ana i reira:

KO HIS EXCELLENCY TE KAWANA-TIANARA I ROTO I TONA KAUNIHERA.

NOTEMEA kua meinga hei ture e tekiona rua tekau ma toru o te Ture Whakatikatika i te Ture Whakanohonoho Rahui o te Tai Hauauru, 1913, ka ahei te Kawana-Tianara i runga i te Ota Kaunihera i ona wa ki te panui me pa nga tikanga o tekiona kotahi rau ma iwa o te Ture Whakatikatika Ture Whenua Maori, 1913, ki tetahi poraka, tekiona, wahanga whenua ranei, e uru ana ki nga rihi i karaatitia i whakamanaia ranei i raro i te Ture Whakanohonoho Rahui o te Tai Hauauru, 1913, me ona ture whakatikatika.

A notemea e pai ana kia pa nga tikanga o tekiona kotahi rau ma iwa kua kii ake nei ki te whenua e huaina nei i roto i te Kupu Apiti ki tenei, i te mea e hiahia ana te Karauna kia whakahaerea he tikanga e hokona ai ki a ia taua whenua.

Na reira, ko His Excellency te Kawana-Tianara o te Tominiona i runga i te whakahaerenga me te whakatutukitanga i nga kaha me nga mana kua whakawhiwhia ki a ia e tekiona rua tekau ma rua o te Ture Whakatikatika i te Ture Whakanohonoho Rahui o te Tai Hauauru, 1913, a, i runga hoki i te tohutohu me te whakaae a te Kaunihera Whiriwhiri o taua Tominiona, tenei ka panui ko nga tikanga o tekiona kotahi rau ma iwa o te Ture Whakatikatika Ture Whenua Maori, 1913, kua pa ki nga whenua e huaina nei i roto i te Kupu Apiti ki tenei.

KUPU APITI.

TAKIWA RUURI O TE CAPR.

Poraka.	Nga Eka.
	E. R. P.
PAORA-ANETI Nama 19	128 0 0
Taihaere Nama 8	2 2 0
Taihaere Nama 9	25 0 0

F. D. THOMSON,
Karaka o te Kaunihera Whiriwhiri.